

詩

法



未成雲著地秋聲不斷鴈連天 風傳鼓角霜侵  
戟雲捲笙歌月上樓 楊柳風多潮未落蒹葭霜  
冷鴈初飛 花前雨澁春猶冷江上風高雨乍晴  
梅子黃時天更雨松花落盡晚尤風 半夜臘  
因風捲去五更春被角吹來 花迎劔佩星初落  
柳拂旌旗露未乾 朝登劍閣雲隨馬夜渡巴江  
雨洗兵<sup>岑</sup>丹青霜葉秋明滅水墨烟林暮有無

眼用響字

潘邠老云七言詩第五字要響五言詩第三字







言  
卷之三  
三  
拗句換字

詩話云當平聲處以仄聲易之其氣健然不群  
此魯直法也

一雙白魚不受釣三寸黃柑尤自青 外江三峽  
且相接斗酒新詩終日踈 負鹽出井此溪女打  
鼓發船何處郎 沙上草閣柳新暗城邊野池蓮  
欲紅杜寵光蕙葉與多碧點注桃花舒小紅 柳  
條弄色不忍見梅花滿枝空斷腸杜只金滿座一  
樽酒後夜此堂空月明 清談落筆一萬字白眼



詩經  
卷之三  
四  
爐可使弩身直飲酒能令嬌面紅放翁更漏有無  
風逆順紙窓明暗月高低 曲風吹巷涼偏勁圓  
月窺窓影却方西樵桐陰午轉涼如夜藕葉秋多却  
勝花

### 扇對格

又名隔對句此格出於白氏金針以第一句對  
第三句第二句對四句也

得罪台州去時危棄碩儒移官蓬閣淺穀貴歿潛  
魚 幾思聞靜語夜雨對禪床未得重相見秋燈





嘶唐人可惜鶯啼花落處一壺濁酒送殘春  
可  
月

好風涼夜一部清歌伴老身子方得病古山陽

老手風生謝刀筆我正含毫紫微閣病眼昏花困

書檄坡

### 句中對

如王勃龍光射斗牛之墟徐孺下陳蕃之榻是  
也

桑麻深雨露燕雀半生成江流天地外山色有

無中王維胡越書難到存亡夢豈知崔峴今空無古篆

宋復有唐文杜四年三月半新笋晚花時元稹遠山

芳草外流水落花中司空圖落花遊絲白日靜鳴鳩

乳燕青春深杜小院回廊春寂寂浴鳥飛鷺晚悠

悠杜白頭青髮有存沒落日斷霞無古今張無情

有恨何人見月冷風清欲墜時皮日休孤雲獨鳥川

光暮萬井千山海氣深李嘉佑高江急峽雷霆聞古

木蒼藤日月昏桃花細逐楊花落黃鳥時兼白

鳥飛杜閒對紅裙辭白酒但愁新進笑陳人坡三

國是非春夢斷六朝城闕野花開沈存中三分割據



簾額低垂紫燕忙蜜脾已滿黃蜂靜社半世功名

一雞肋平生道踏九羊腸誠齋自知老境要灰心却

笑小時空血指周癰齋抗顏未踏空屠龍貽笑一生

真畫虎游默齋愁心別後無詩草病眼燈前有醉花

致蜘蛛影裏清吟罷舴艋舟中白髮生石燕拂

雲晴亦雨江豚吹浪夜還風許草解忘憂憂底事

花名含笑笑何人平日解愁寬帶眼乞今歸思

消琴心畔微風蹙水魚鱗浪消日烘晴曙色天

世事真如夢人生不等閑利名雙轉轂今古一凭



觀書

借韻對

詩話云自朱耶之狼狽致赤子之流離乃獸名  
對鳥名謂之借對

根非生下土葉不墜秋風 佳山今十載明日又

遷居 厨人具雞黍稚子摘楊梅孟浩然水齋雲母

碓風掃石榴花太白飲子頻通汗懷君想報珠杜枸

杞因吾有雞栖柰爾何杜眼昏長訝雙魚影耳熱

何辭數爵頻韓姓名雖蒙齒緡袍笏未復牙緋

律詩不對盛唐多作此體

領聯不對

謂之蜂腰格三十字而一事而意貫上二句若

已斷而復續

禁巒

下第唯空囊如何住帝鄉  
杏園啼百舌誰醉在花  
傍淚落故山遠病來春草長  
知音逢豈易孤棹負  
三湘

聯不對

胃之俞家各蓋川韻二司一討口海老俞家

詩法

入卷之五

九

二百

先開也

無家對寒食有淚如金波斫却月中桂清光應更  
多此離放紅蕖想像頻青娥牛女謾愁思秋期猶  
渡河社

不對處對

掛席東南望青山水國遙舳舻爭利涉來往接風  
潮問處今何適天台訪石橋坐看霞色晚疑是赤

城朝孟浩然

起句對

萬事誰能問一名猶未知貧窮多累日閑過少年  
時燈下何愁睡花前帶淚悲無媒長委命轉覺命  
堪疑雍陶天上碧桃和露種日邊紅杏倚雲栽芙蓉  
生在秋江上不向東風怨未開

末句對

皇皇三十載書劒而無成山水尋吳越風塵厭帝  
京扁舟泛湖海長揖謝公卿且樂杯中酒誰論世  
上名書劒摧人不暫閑洛陽羈旅復秦關容顏  
歲歲愁中改鄉國時時夢裏還悞入仙人碧玉

壺一歡那復間親踈杯盤狼籍吾何敢車馬雍容  
子甚都此夜新聲聞百里他年故事紀南徐欲窮  
風月三千界願代人天百億軀

首尾對

歷歷綠荒岸冥冥入遠天每同沙草發長共水雲  
連搖落風潮早離披海雨偏故鄉遊子意常在客  
舟前柳絮飛時別洛陽梅花開後在三湘世情  
已逐浮雲去離恨又隨江水長十年歸客但心  
傷三逕無人已自荒夕宿靈臺伴烟月晨趨廷禮

逐衣裳久看麋鹿隨芳草謬荷鷓鴣鸞借未行縱有  
諫書猶未獻春風拂地日空長唐人簷前白日應可  
惜籬下黃花爲誰有行子迎霜未換衣主人得錢  
始沽酒蘇秦憔悴時多飲蔡澤恓惶世爲醜縱使  
登高只斷腸不如獨坐空回首唐人少陵  
多作此體

押虛字

黃雞催曉不須愁老客世人非我獨坡人惜共遊  
今孰在樹猶如此我何堪六一自從西征復何有欲  
致南烹歎久久坡起攜蠟炬遶空屋欲事煎烹無

一可坡邇來變化驚可述音號剛強今亦頗坡問

之無乃求之歟答我不然聊復爾坡我本漁樵孟

諸野一生自是悠悠者馬子我本踈頑固當爾子

猶淪落况些餘坡當代不飲酒虛名安在哉夏

扇日自搖行樂亦云聊山谷再遊應眷眷聊亦寄吾

曾坡人生重意氣出處夫豈徒坡安得相付子過

聽君談笑坡拙則近於直而直豈拙歟坡曾開遺

俗即存者豈若吾身親見之外不自持如醉者

中無他歎若羞然海棠











佳月明且哲好風聖之清  
日莫于誰屋天寒陟  
彼岡

公取古詩句

此格最新始於太白

解道澄江淨如練令人却憶謝元暉太白憑誰說與

謝元暉休道澄江淨如練山谷帝遣銀河一派垂古

來惟有謫仙詞坡却憶當年江處士能言秋色霧

人家陳覺如何故國三千里空唱歌詞滿六宮杜牧

開卷愛公如李益解言明月逐人來韓子令人還

憶柳州柳亂道千山絕飛鳥誠齋愛君古錦囊中句

解道今秋似去秋 獨睡南窓月今秋似去秋

子犯亦有言臣尤自知之韓韓子亦常謂收歛加

冠巾 退之常有云青蒿倚長松 蛾眉山月半

輪秋影入平羗江水流謫仙此語誰解道請君見

月時登樓坡劉原父戲歐陽公曰求叔於韓公文有公取竊取如此兩語是之謂公取邵

氏開見錄

坡用佛書語

欲深苦海浪先乾愛河水哭幹

流水句

洪覺梵禁巒云其法兩句叙一事如人信手斫木方圓一一中規矩宜於領聯用之又名十字對十四字對

如何青草裏也有白頭翁太仰面貪看鳥回頭錯

應人杜忽聞哀痛詔又下聖明朝杜長因送人處

憶得別家時唐碑已無文字人尤敬子孫若不

得流水還應過別山唐如何萬家縣不見一枝梅

茶山若無三日雨那得一年秋不知何處雨便覺



花 只消半夜雨聲作便領一年寒氣來

錯綜句

紅一作香稻啄餘鸚鵡粒碧梧棲老鳳凰枝杜若直叙之則

紅曰鸚鵡啄餘紅稻粒鳳凰棲老碧梧枝而以溶溶

院落梨花月淡淡池塘柳絮風溶溶以梨花院落

淡淡風二句換移之法雪色已翻煎處脚松風仍作瀉

時聲誠齋此倒語也即前縹成白雪桑垂綠割盡

黃雲稻正青半山言縹成則知白雪為木杪北山

烟冉冉草邊南澗水冷冷 林下聽經秋苑鹿溪

邊掃葉夕陽僧鄭谷柳絮打殘連夜雨桃花吹散五

更風 翡翠啄成千嶂碧琉璃瀉出一溪寒三千

里色中秋月十萬軍聲半夜潮 紅珠斗帳櫻桃

熟金錯屏風孔雀開 花酣蓬蓬報謝葉在柳呈踈

人唐寶鏡窺鸞影紅粧裛淚痕 舞鑑鸞窺沼行天

馬渡橋韓

### 疊三實字句

仙人視吾曹何異蜂蟻蜎坡九日蘇石破篆文不

辨瞿李袁山谷遊山王頗來服見其父孫翁山谷駕



疊七實字

岷峨之山中巴江桂椒楠櫨楓柞樟 異人間出

駭四方嚴平君王褒陳昂子李白司馬相如楊稚后山贈二蘇騅

駟駱驪騶馬色白魚赤兔驛皇驕馬坡韓幹鴉氏

鷹鷂雉鵠鷗鷺魚煨燒熟飛奔昌黎陸

折腰句

讀之若不律自是一格

野店寒無客風巢動有禽 送終時有雪歸葬處

無雲似梅花落地如柳絮因風 靜愛行時來



翻為弄巧成拙

斷送一生惟有破除萬事無過

淮海酒詩

### 失粘句

律詩有定體然時出變體如兵出奇變化無窮  
尤足驚世駭俗也

引韻便失粘

名江左體

杜卜居

浣花流水水西頭主人為卜林塘幽已知出郭少  
塵事更有澄江銷客愁無數蜻蜓齊上下一雙鷗  
鵝對沉浮東行萬里堪乘興須向山陰上小舟

第二聯失粘

杜咏懷古跡

搖落深知宋玉悲  
風流儒雅亦吾師  
悵望千秋一  
洒淚  
蕭條異代不同時  
江山故宅空文藻  
雲雨荒臺豈夢思  
最是楚宮多泯滅  
舟人指點到今疑

第三聯失粘

杜仲夏嚴公枉駕

竹裏行厨洗玉盤  
花邊立馬簇金鞍  
非關使者徵求急  
自識將軍禮數寬  
百年地僻柴門迥  
五月江深草閣寒  
看弄漁舟移白日  
老農何有罄交歡

第四聯失粘

柳宗元挽呂衡

輓意

衡嶽新摧天柱峯  
士林憔悴泣相逢  
祇今文字傳青簡  
不使功名上景鍾  
三畝空留懸磬室  
九原猶寄若堂封  
遙想荊州人物論  
幾回中夜惜元龍  
有句

第二聯三聯失粘

太白

鳳凰臺上鳳凰遊  
鳳去臺空江自流  
吳宮花草埋幽徑  
晉代衣冠成古丘  
三山半落青天外  
二水分白鷺  
洲總爲浮雲能蔽日  
長安不見使人愁

首尾失粘

汪龍溪

扁舟徑度石頭去看盡江南江北山忽驚雨作綆  
縻下坐見風排鷗鷺還一生能作櫟幾繡十口恨  
不房三間作牋料理向公子有酒倘開寒士顏

絕句失粘

新豐絳樹起黃埃數騎漁陽探使回霓裳一曲千  
峰上舞破中原始下來

五言失粘 八句反入格

不泛寂清曠及來愁已空數點石泉雨一溪霜葉  
風業在有山處道歸無事中酌盡一盃酒老夫顏

亦紅

絕句失粘

都無看花臺偶到樹邊來  
可怜枝上色一一爲誰  
開

七言失粘

半醒半醉問諸梨  
竹束藤梢步步迷  
但尋斗斗復  
歸路家在牛欄西  
復西  
總角梨家三四童  
口吟  
葱葉送迎翁  
莫作天涯萬里意  
溪邊自有舞雩風

披破酒獨行  
遍至西梨

第三聯失粘

華髮蕭蕭老遂良一身萍掛海中央  
無錢種菜為家業有病安心是藥方  
才疎絕類孔文舉癡絕還同顧長康  
萬里來歸空泣血七年供奉殿西廊

第四聯失粘

米盡無人典破裘送行萬里一鄉遊  
解舟又欲携君去歸舍聊須與婦謀  
聞道年來丹伏火不愁老去雪蒙頭  
剩買山田添鶴口廟堂新拜富元侯

第三四聯失粘

苦憶荊州醉司馬  
謫官尊酒定常開  
九江日落醒何處  
一柱觀頭眠幾回  
可憐懷抱向人盡  
欲問平安無使來  
故憑錦水將雙淚  
好過瞿塘滪堆杜甫所慮

第二聯四聯失粘格

主第岩扃架鵲橋  
天門閭闔降鸞鑣  
歷亂旌旂轉雲樹  
參差臺榭入烟霄  
林間花雜平陽舞  
谷裏鶯和弄玉簫  
已陪泌水追歡日  
行奉茅山訪道朝  
趙彥昭奉和初春幸太平公主南莊應制

頷聯失粘格

金鋪照春色玉律動年華朱樓雲似蓋丹桂雪如花  
水岸銜階轉風條出柳斜輕輿臨太液湛露酌  
沆霞

陳叔達早春桂林殿應詔

頷聯頸聯失粘格

歌堂面綠水舞館接金塘竹開霜後翠梅動雪前  
香鳬歸初可侶鴈起欲分行刷羽同棲集懷恩愧  
稻梁

虞世南待宴歸鴈堂

頸聯失粘格

下驛窮交日昌亭旅食年相知何用早懷抱即依

然浦樓低晚照鄉路隔風烟去去如何道長安在

日邊

王勃白下驛餞唐少府

領聯末聯失粘格

倡樓起曙扉楊柳正依依鶯啼知歲隔條變識春  
歸露葉凝愁黛風花落舞衣攀折將安寄軍中音  
信稀

蘆照隣折楊柳

末聯失粘格

關山陵旦開石路無塵埃白馬高譚去青牛真氣  
來重明臨巨壑東連東起衆畏如今陽策變非是棄

詩本

卷之五

三

三

繻回

王勃散關晨度

失律

此失律非以爲格詩貴知病此亦詩中一病但唐人亦不甚忌今錄以告作者

旅館誰相問寒燈獨可親  
一年將盡夜萬里未歸人  
寥落悲前事支離笑此身  
愁顏與衰髻明日又逢春

戴叔倫除夜宿石頭驛問夜事髻四字俱去聲

詩法卷之五終

詩法卷之六

述杜工部律詩五十八格

秋興八首

武林思山謝天瑞甫著

接項格 第三第四緊接第二句

玉露凋傷楓樹林起興於秋而生七句巫山巫峽  
氣蕭森上四字承楓樹下三字承玉露凋傷江間

波浪蕪天湧上四字承巫峽下三字承氣蕭森塞

上風雲接地陰上四字承巫山下三字承氣蕭森

此聯共承第二句如首項之相接

叢菊兩開他日

淚孤舟一繫故園心寒衣處、催刀尺此句復應  
第三聯而生下句白帝城高急暮砧

交股格 第二第三第六句第二第四第  
五句各相起應詞意通貫交錯如股第七  
句設爲問答以結之是 歸題

夔府孤城落日斜每依南斗望京華聽猿實下三  
聲淚奉使虛隨八月查畫省香爐違伏枕山樓粉  
堞隱悲如請看石上藤蘿月已映洲前蘆荻花

織腰格 第三聯爲腰與前聯絕不相類

如腰之纖而弗稱意脉實與坐翠微相應  
而上通首句第二第四句歸題

千家山郭靜朝暉日々江樓坐翠微信宿漁人還  
汎々清秋燕子故飛々匡衡抗疏功名薄劉向傳  
經心事違同學少年多不賤五陵衣馬自輕肥

續腰格 起聯言天子神仙事次聯言神

仙事三聯爲腰言天子事以續之而後起  
結聯驚秋自歎心存魏國之情

蓬萊宮闕對南山承露金莖霄漢間西望瑤池降

王母東來紫氣滿  
函關雲移雉尾開  
官扇日繞龍  
鱗識聖顏  
一卧滄江驚歲晚  
幾回青瑣點朝班

首尾互答格  
首句上半句言夔州下半

句言京華也次句兼完首句之意而興起

後兩聯至結聯語雖異意則同首應瞿塘

秦中曲江又互換為結也此篇為二句歸

題

瞿塘峽口曲江頭  
萬里風烟接素秋  
花萼夾城通  
御氣芙蓉小苑入  
邊愁珠簾繡柱圍  
黃鵠錦纜牙

打起白鷗回首可憐歌舞地秦中自古帝王州

右瞿塘曲江二地相去如千里秋氣於風烟中

自相通此兩句作成一句謂之十四字句律詩以仄起為正體平起為變體此詩平起而又兩句串作一句是謂變中之變

首尾相同格 同應也首以昆明結以江

湖中兩聯言乘興播起秋氣蕭條昆明之景不異江湖以歸題

昆明池水漢時功武帝旌旗在眼中

假漢言唐即今見古織

女機絲虛夜月石鯨鱗甲動秋風波漂菰米沉雲  
黑露冷蓮房墜粉紅關塞極天唯鳥道江湖滿地  
一漁翁

筭蹄格 筭為車輔猶髀從輔髀中聯對  
峙如蹄首尾但筭之而不對 筭髀同此  
股也髀音寬兩股間也

昆吾御宿自逶迤紫閣峰陰入漢陂香稻啄餘鸚  
鵡粒碧梧棲老鳳凰枝佳人拾翠春相問仙侶同  
舟晚更移綠筆昔曾干氣象白頭吟望苦低垂

雙蹄格一中兩聯對偶相等如蹄之各雙

聞道長安似奕碁一篇之總百年世事不勝悲王

侯第宅皆新主文武衣冠異昔時奕也直北關山金

鼓振征西車馬羽書遲魚龍冢冥秋江冷故國平

居有所思

諸將

歸題格首句言胡虜結句歸責諸將故

曰歸題

漢朝陵墓對南山胡虜千秋尚入關昨日王魚蒙

葬地早時金盃出人間見愁汗馬西戎逼曾閃朱  
旗北斗閑多少材官守涇渭將軍且莫破愁顏

狂夫

歸題變格 變者前六句與題無豫唯結  
句出狂夫二字耳

萬里橋西一草堂百花潭水即滄浪風含翠篠娟  
淨雨裛紅蕖冉香厚禄故人書斷絕恒飢稚  
子色淒涼欲填溝壑唯踈放自笑狂夫老更狂

撰題格 乘興賦詩已就而無題乃取詩

意撰之為題如客至之類

掇題格者詩成無題遂於篇中掇字為題  
如返照狂夫之類

諸將

歇續格 再歇再續錯綜成篇

洛陽宮殿化為烽休道秦關百二重 休道二字有

思致有幹旋可見盜賊長驅如入無人之境觀此

聯則唐似之矣是歇也

滄海未全歸禹貢薊門何

處覓堯封

滄海言東山未全則存者猶多何處則



峽靜灘聲轉白馬江寒樹影稀從此而往以訪庭  
闈代韓生答第三聯體似第二聯故曰變此別應  
須各努力故卿猶恐未同歸

燕子來舟中

開合格 開合猶起應凡四開四合而成  
篇

湖南為客動經春燕子銜泥兩度新舊入故園嘗  
識主如今杜日遠看人可憐處處巢居室何異飄  
、託此身輟語船檣還起去穿花落水益霑巾右

一三五七句開二四六八句合結句如見舟中歸  
題

十二月一日

期必格 期之也在冬期春必至有此  
即看燕子入山扉豈有黃鸝歷翠微期之也短  
桃花臨水岸輕柳絮點人衣必至有此春來準  
擬開懷久老去親知見面稀他日一杯難強進重  
嗟筋力故山違

詠懷古迹

抑揚格 凡再揚再抑而成篇

諸葛大名垂宇宙宗臣遺像肅清高揚之也三分

割據紆籌策萬古雲霄一羽毛功大名小時勢使

然雲霄喻高羽毛喻小抑之也伯仲之間見伊呂

指揮若定失蕭曹揚之也運移漢祚終難復志決

身殲軍務勞抑之也

冬至

雙字格 以雙字起以數目字結映帶當

年、此日長為客忽、窮愁泥殺人江上形容吾  
獨老天涯風俗自相親杖藜雪後臨丹極鳴玉朝  
來散紫宸心折此時無一寸路迷何處是三秦

四對格

四聯皆相對偶即前篇冬至詩

八實格

八句皆用實事亦即前篇冬至

詩

詠懷古迹

對起格

言支離漂泊起聯便對偶

支離東北風塵際漂泊西南天地間三峽樓臺淹

日月五溪衣服共雲山羯胡事主終無賴詞客哀  
時且未還庾信平生最蕭瑟暮年詩賦動江關

對聯格

即秋興篇二首請看石上藤蘿

月已映洲前蘆荻花

散起格

即秋興第三首千家山郭靜朝

暉日

江樓坐翠微

奉送蜀州柏二別駕將中丞命赴江陵起居

衛尚書太夫人因視從弟行軍司馬位

散結格

即前篇庾信平生最蕭瑟暮年

詩賦動江關

中丞問俗畫熊頻愛弟傳書彩鷁新遷轉五州防

禦使起居八座太夫人楚宮臘送荆門水江陵白

帝雲偷碧海春夔州凡律體以虛字散句起者

次聯必用實事景物承接三聯乃以虛字活句轉

應此篇次聯便用活句虛字而三聯乃貼以景物

對者蓋因首聯用實字故也諸格本因虛實動靜

之法錯綜得名非謂強局此格而後成章也為報

惠連詩不惜知吾斑鬢總如銀

恨別

一意格

前格一詩敘數事此格只敘恨

別一事

洛陽一別四千里胡騎長驅五六年草木變衰行  
劍外兵戈阻絕老江邊思家步月清宵立憶弟看  
雲白晝眠聞道河陽近乘勝司徒急為破幽燕

暮登四安寺鍾樓寄裴十

兩重格

一重公自嘆一重是言裴十

暮倚高樓對雪峯僧來不語自鳴鍾

可見薄客孤

城返照紅將歛近市浮煙翠且重多病獨愁常聞  
寂故人相見未從容知君苦思緣詩瘦太向交情  
萬事慵

詠懷古迹

節、生意格 一句下生一句

蜀主窺吳幸三峽崩年亦在永安宮翠華想像空  
山裏玉殿虛無野寺中古廟杉松巢水鶴歲時伏  
臘走村翁武侯祠屋長隣近一體君臣祭祀同

諸將

生下結上格 句則四生四結聯則兩生

兩結

韓公本意築三城 生下句擬絕天驕拔漢旌 結上

句此聯生下句 豈謂盡煩回紇馬 生下句翻然遠

救朔方兵 結上句此聯結上聯 胡來不覺潼關隘

承上聯生下句 龍起猶聞晉水清 結上句生下聯

獨使至尊憂社稷 承上句生下句 諸公何以答昇

平

峽中覽物

興蕪比格 起聯興次聯比

曾為掾吏趨三輔憶在潼關詩興多巫峽忽如瞻  
華嶽蜀江猶似見黃河舟中得病稊衾枕洞口經  
春長薜蘿形勝有餘風土惡幾時回首一長歌

客至

興兼賦格

舍南舍北皆春水但見群鷗日日来興花逕不曾

緣客掃蓬門今始為君開賦盤飧市遠無蕪味樽

酒家貧只舊醅賦冒與鄰翁相對飲隔籬呼取盡

歸盃興

返照

興賦兼比格

楚王宮北正黃昏白帝城西過雨痕興而賦返照

入江翻石壁歸雲擁樹失山村

賦而興比也返照

興比衰年歸雲興比歸意

衰年病肺唯高枕絕塞

愁時早閉門

此賦也即織腰格

不可久留豺虎亂

南方實有未招魂

賦而興歸意

定正展延朝陽日出

詩

卷之六

十一

二百四

截頭格 硬句起便似領聯至領聯却以軟句承之至頸聯又貼以硬句結聯復軟剛柔相間斐然成章

天門日射黃金榜春殿晴曛赤羽旗官草微々乘委佩爐煙細々駐遊絲 應第二句雲近蓬萊常五色雪殘鵲亦多時 應第一句侍臣緩步歸青瑣退食從容出每遲

顯頭格 對起如楚王宮北正黃昏散起如暮倚高樓對雪峯

登高

句聯分應格 前四句相應起後二聯相

應結

風急天高猿嘯哀 下見落木 渚清沙白鳥飛回 下

見長江 無邊落木蕭蕭下 應首句 不盡長江滾滾來

應次句 萬里悲秋長作客 百年多病獨登臺 應

上聯起下聯 艱難苦恨繁霜鬢 潦倒新亭濁酒盃

應上聯結

詠懷古迹

中聯牙鎖格 交叉相應

羣山萬壑赴荆門生長明妃尚有村一去紫臺連

朔漠

起第五句

獨留青塚向黃昏

起第六句

畫圖

省識春風面

應第三句

環珮空歸月夜魂

應第四句

千古琵琶作胡語分明怨恨曲中論

夜

聯珠格 雙起雙乘雙轉雙結句意分貫

故曰聯珠

露下天高秋氣清

此句貫第三第五第七句

空山



符應江亭  
龍武新軍深駐輦芙蓉別殿謾焚香  
上句貼苑牆下句貼江亭  
何時詔此金錢會暫醉佳人錦瑟傍

冬至

分字起應格

天時人事日相催冬至陽生春又來  
刺繡五紋添弱線  
應人 葭六管動浮灰  
應天 時岸容待臘將舒柳  
山意衝寒欲放梅  
上半句應冬至下半句應春末  
雲物不殊鄉國異教兒且覆掌中杯

贈田九判官

前三對格 前三聯皆對惟結聯不對

崆峒使節上青霄  
河隴降王款聖朝  
宛馬總肥春  
苜蓿將軍只數漢  
嫖姚陳留阮瑀誰爭長  
京兆田  
郎早見招麾下  
賴君才並入  
獨能無意向漁樵

宿府

後三對格 起聯不對後三聯皆對

清秋幕府井梧寒  
獨宿江城蠟炬殘  
永夜角聲悲  
自語中天月色好  
誰看風塵荏苒  
音書絕關塞蕭

言法 卷之六 十一  
條行路難已忍伶俜十年事強移棲息一枝安

公安送韋二少府匡贊

先事後景格

逍遙公後世多賢送爾維舟惜此筵念我能書數  
字至將詩不必萬人傳時危兵甲黃塵裏日短江  
湖白髮前古往今來皆涕淚斷腸分手各風煙

題張氏隱居

體用潭成格

景事相錯句聯中見

青山無伴獨相求伐木丁丁山更幽澗道餘寒歷

冰雪石門斜日到林坵不貪夜識金銀器遠害朝  
看麋鹿遊乘興杳然迷出處對君疑是泛虛舟

野望

拗句格 此格拗在句上後格拗句在下

金華山北涪水西

華字當仄而拗作平北字當平

而拗作仄

仲冬風日始淒淒山連越巂蟠三蜀水

散巴渝下五溪獨鷄不知何事舞飢鳥似欲向人

啼射洪春酒寒猶綠

一作仍

目極傷神誰爲携

和裴迪登蜀州東亭送客逢早梅相憶見寄

拗字格

東閣官梅動詩興動字當平詩字當仄還如何遜

在揚州此時對雪遙相憶送客逢春可自由幸不

折來傷歲暮若爲看去亂鄉愁江邊一樹垂々發

朝夕催人自白頭一本春作花鄉作春

詠懷古迹

拗粘格 第三句當平而又謂之失粘

搖落深知宋玉悲風流儒雅亦吾師悵望千秋一  
灑淚蕭條異代不同時江山故宅空文藻雲雨荒

畫堂夢思最是楚宮俱泯滅舟人指點到今疑

諸將第三

前多後少格 前多後少者首聯與次聯

一意頸聯自爲一意落聯上句結前四句

下句結頸聯二句或末聯統結前意

回首扶桑銅柱標冥冥氛祲未全銷越裳翡翠無  
消息南海明珠久寂寥殊錫曾爲大司馬總戎皆  
揔侍中貂炎風朔雪天王地只在忠臣翊聖朝

此詩

末聯上句結前四句  
下句結頸聯二句

諸將第四

前開後合格 前開後合者前四句言昔

時開也後四句言今日之事合也

錦江春色逐人來巫峽清秋萬壑哀正憶往時嚴  
僕射共迎中使望鄉臺主恩前後三持節軍令分  
明數舉杯西蜀地形天下險安危須仗出羣才

吹笛

應字格 應字者首聯立二字領聯分應  
之頸聯接領聯二句末總結之

吹笛秋山風月清誰家巧作斷腸聲風飄律呂相  
和切月傍闌山幾處明胡騎中霄堪北走武陵二  
曲想南征故園楊柳今搖落何得愁中却盡生

無題格 無題者隱諱其意不欲明言或  
隱意或隱字使人自得之

無題

李商隱

相見時難別亦難東風無力百花殘春蠶到死絲  
方盡蠟燭成灰淚始乾曉鏡但愁雲鬢改夜吟應  
覺月光寒蓬山此去無多路青鳥慙慙爲探看

洛陽

許渾

四實格 四實者中四句皆景物而實謂  
之四實

禾黍離離半野蒿昔人城此豈知勞水聲東去市  
朝變山勢北來宮殿高雅噪暮雲歸故堞鴈迷寒  
雨下空濠可憐綏嶺登仙子猶自吹笙醉碧桃

寄李儋元錫

韋應物

四虛格 四虛者中四句皆情思而虛謂  
之四虛

去年花裏逢君別今日花開已半年世事茫茫難  
自料春愁黯黯獨成眠身多疾病思田里邑有流  
亡愧俸錢聞道欲來相問訊西樓望月幾回圓

感懷

劉長卿

前實後虛格

前實後虛前聯景而實后

聯情而虛

秋風葉落正堪悲黃菊殘花欲待誰水近偏逢寒  
氣早山深長見日光遲愁中卜命看周易夢裏招  
魂誦楚詞自笑不如湘浦鴈飛來却是北歸時

潁州客舍

姚揆

前虛後實格 前虛後實者前聯情而虛  
後聯景而實

素琴孤劒尚閑遊誰共芳樽話唱酬鄉夢有時生  
枕上客情終日在眉頭雲拖雨脚連天去樹夾河  
聲遠郡流回首帝京歸未得不堪吟倚夕陽樓

律詩上下句各用韻

唐 章碣

此詩出於唐末上下句平仄各押韻當時  
謂之變體亦無足取錄之以備

東南路盡吳江畔正是窮愁暮雨天鷗鷺不嫌斜  
雪岸波濤欺得送風船偶逢島寺停帆看深羨漁  
翁下釣眠古今若論英達筭鴟夷高興固無邊

題省中院壁

拗句格

掖垣竹埤梧十尋洞門對雪常陰陰落花遊絲白  
日靜鳴鳩乳燕青春深腐儒衰晚謬通籍退食遲  
回違寸心衮職曾無一字補許身媿比雙南金

失律

附

夕行非以爲

言量矢非此寸言中一

病但不甚忌

唐 杜甫

鄭駙馬潛躍宴洞中

薄麓谷二字同入聲  
麓谷二字又同韻

主家陰洞細烟霧留客夏簾青琅玕春酒盃濃琥  
珀薄冰漿椀碧瑤瑤寒悞疑荈堂過江麓已入風  
磴纒雲端自是秦樓壓鄭谷時聞雜珮聲珊珊

律詩倒字押韻

崔氏東山草堂

愛汝玉山草堂靜高秋爽氣相鮮新有時自發鍾

磨響落日更見漁樵人盤剥白鴉谷口粟飯煮青  
坭坊底芹何謂西莊王給事柴門深閉鎖松筠鮮新

字倒

進退韻法

進退韻者一進一退如一詩四韻第一韻

與第三韻同韻第二韻與第四韻同韻

贈唐介謫英州別駕

七言律

宋李師中

孤忠自許衆不與獨立敢言人所難去國一身輕  
似葉高名千古重於山並遊英俊顏何厚未死姦  
諛骨已寒天爲吾皇扶社稷肯教夫子不生還難

字同在二十五寒韻山

還字同在二十七山韻

分段再起格

說見前

題李尊師松樹障子歌

杜甫

老夫清晨梳白頭玄都道士來相訪握髮呼兒延  
入戶手提新畫青松障障子松林靜杳冥憑軒忽  
若無丹青陰崖却承霜雪榦偃蓋反走虬龍形老  
夫平生好奇古對此興與青靈聚已知仙客意相  
親更覺良工心獨苦松下丈人巾屨同偶坐似是

商山翁悵望聊歌紫芝曲時危慘淡來悲風

歸題顧首格

說見前

秦箏歌送外甥蕭正歸京

岑參

汝不聞秦箏聲最苦五色纏絃十三柱  
怨調慢聲如欲語一曲未終日移午  
紅亭水木不知暑忽彈黃鍾和白紵  
清風颯來雲不去聞之酒醒淚如雨  
汝歸秦兮彈秦聲秦聲悲兮聊送汝

送尾比喻格

古栢行

杜甫

孔明廟前有老栢柯如青銅根如石霜皮溜雨四十圍黛色參天二千尺君臣已與時際會樹木猶爲人愛惜雲來氣接巫峽長月出寒通雪山白憶昨路繞錦亭東先主武侯同閔宮崔嵬枝幹郊原古竊窕丹青戶牖空落落盤踞雖得地冥冥孤高多烈風扶持自是神明力正直元因造化功大厦如傾要梁棟萬牛回首丘山重不露文章世已驚

未辭剪伐誰能送苦心豈免容蝼蟻香葉終經宿  
鸞鳳志士幽人莫怨嗟古來材大難爲用

送尾反用格

行路難

李白

金尊清酒斗十千玉盤珍羞直萬錢停杯投筯不  
能食拔劍四顧心茫然欲渡黃河冰塞川將登太  
行雪滿巔閑來垂釣碧溪上忽復乘舟夢日邊行  
路難行路難多岐路今安在長風破浪會有時直  
挂雲帆濟滄海

詩法卷之六終